

教書

哀詞

麻制

祭文

官誥


碑誌

誄書

李相國集

十二







東國李相國全集卷第三十四

教書

麻制

官誥

李延壽為守大尉門下侍郎同中書門下

平章事判吏部事金義元為中書侍郎平

章事判兵部事崔瑀為金紫光祿大夫叅

知政事吏部尚書判御史臺事史洪紀

為金紫光祿大夫知門下省事吏部尚書

判工部事

教書麻制各一道

教書

云云夫宰相者人主之所仰成百官之所取平



而天下之理亂未嘗不係於宰相宰相維其賢則人主逸百官正夫然後天下不足理也古之人若孰不欲任賢使能垂拱無為以享大平極理之休哉其所以未爾者蓋得人之難得而用之之難用而致之宰輔以賴匡濟之力斯亦尤難故爾今朕得卿之賢猶恐用之之遲而卓授經綸之寄責以來效則家國之理安儻可行而俟矣今授卿云云

麻制

門下樂得賢立邦基大平無憂不致有奮庸熙



帝載好爵吾與爾縻况宰衡論道之司是朝野  
注意之地宜登偉器誕告明廷

某官李某幹局沉深風神峻邁直諒之性居暗  
室而無欺清廉之心酌貪泉而不易立朝嚴毅  
則凜凜然難犯臨事剖決則恢恢乎有餘累提  
攬轡之權貪吏落膽而莫敢喘出播褰帷之化  
疲民拚手而無不歌至若地肅憲臺資華選部  
凡曰重人之高選悉皆莅職而允當朕自昔年  
素聞英譽及委納言之寄益詳行已之全尋擢  
置於鴻樞便登庸於鳳閣帝賚予弼風彰爰立



之徵民具爾瞻果合是維之望宜示眷恩之命  
用酬光輔之功是用升鱣服之上司轉鸞臺之  
峻級仍委品題之職行推奇偉之人可特授云  
云某官金某軀膽酋酋襟靈浩浩挺燕頤虎頭  
之表從鶚冠魚服之行方在偏裨倜儻有奇志  
歷勤宿衛純謹無他腸及登上將之班資常作  
寡人之扞禦時方討虜諸將迭出而戰征卿獨  
侍君累稔不離於左右略不形於懈色真可謂  
之賢勞觀其有經遠之才規欲始秉鈞之漸故  
先試樞機之要而旋除輔相之聯叔向在朝古



之遺直子產爲政人不忍欺合加甄獎之恩用  
答忠勤之效肆轉中書之秩仍兼司馬之官可  
特授云云

某官崔某蓋代功名軒天量宇橫一柱而撐柱  
王室繫朕倚以爲安闢大爐而陶冶生民舉國  
無不受賜比來世習之奢靡莫有禁條之防閑  
編戶齊民或飾牙條而緣履富商大賈有將文  
繡以被墻及卿弼亮之初憫世因循之弊斟酌  
折衷而以禮爲界必革有度而以法爲隄雖至  
飲酺之間一從簡約之制不待參辰之改次湯



俗移風復分涇渭之混沅揚清激濁家藏金穴  
者擯抑而不用節礪冰壺者拔擢而特褒開東  
閣而迎賢杜西園之成市公道所啓人才易求  
邊民之板蕩也侮嫚百狀而爾實沮懲隣使之  
往來也徵詰萬端而乃能扼制國有所急卿輒  
敢當抑又失火生於宮闕之傍嚴城蕩為煨燼  
之末國之防也縱難暫曠役莫巨也猶重改營  
卿乃竭私帑而充其費焉驅門客而任其勞也  
咄嗟而就充壯則加顧切烈非言可宣雖以重  
賞而難報然爵位唯朕所有豈因自歎而不頒



肆需優恩俾參大政天官是九流所關也使之  
搃柄夏部是七兵所出也亦以委權更加風憲  
之威申以階資之峻苟循物議非出予私可特  
授云云

某官史某生自相門夙陪禁仗除拜不拘於常  
調翱翔驟躡於通衢恂恂似不言常袖濟時之  
手段綽綽然有裕廓揮料物之心機領千夫而  
往討東都也俘獲甚多參七人而入直西掖也  
論議有據雖被富貴之迫逐於已常以恭謹而  
抑損其心命或中屯未免流離之患道不終否



端承徵召之私仍舊禁班統予禁衛寒寒有大  
臣體溫溫真君子人必須處以論思然後副爾  
器度旋陟本兵之重地將階當軸之劇權或問  
樹而不言果能慎密汝作舟之是命堪託輔毗  
是升東寺以預謀亦判九工而掌繕無以銓衡  
之柄更崇金紫之階可特授云云

鳴戲君臣如魚水之歡貴同一德宰相是龜鑑  
所係揔訓百寮未有君臣都俞而民不和豈聞  
宰相約敕而人不化勉膺朕命恪守爾司云云

改封壽春侯沅為桂城侯

教書官誥



# 教書

云云夫骨肉親愛情之所鍾故自古據人君之勢封立子弟則至於乳齒髫年猶使之腰垂斗印例奉朝請者理之然也况耆年舊德鬱爲宗室之賢華組光圭曾躡侯蕃之秩益更封於美邑示特異之優恩云云

## 官誥

云云懿親重德當以名藩處之徙食改封載諸前史多矣宜循舊典用獎宗英具官某量宇泓深神姿溫裕弘雅樂善蹈東平之蹤嚴矜有威



得沛憲之體身雖生於紈綺手不捨於縑緗制  
作參造化之機學識洞天人之際象船構思難  
窺智略之淵源馳鈿定封夙峙邦家之屏翰頃  
者忽值風波之駭暫侵嵐瘴之熏金經鍊而愈  
佳祇益貴耳月遇虧而旋滿庸何傷乎召復已  
還眷懷彌渥更峙苴茅之典期爲固蒂之圖大  
尉二公之魁漢省司馬然後置柱國四等之極  
楚與令尹而同尊如匪其人曷堪是任可特授  
守太尉上柱國桂城侯鳴戲卿本是恂恂長者  
朕不必惇惇訓之然勞謙有終是君子之德也

惇當  
作諄



斯須不可離制節謹度迺諸侯之孝也朝夕慎  
所履飭躬不怠流裕無窮云云

崔愈恭爲正議大夫興威衛上將軍判

大府事

官誥

云云掌機務而納言尚書謂之喉吻董軍師而  
謹衛上將譬則爪牙雖支體之用惟均顧防捍  
之備危急須選百夫之特益崇萬乘之威具官  
某嚼鐵剛腸凌雲壯志學子房書一卷素自秘  
於心機彎顏高弓六鈞未嘗露其手段仁必有



勇也故剛柔相濟才堪經遠也故文虎無資爰  
自先朝昵陪密仗及尹千人而軍政肅坐令霸  
上爲兒出帥百里而仁化行復見南陽有父方  
憇召公之樹入登韓信之壇乃者當頑胡蹈境  
之時受陪邑統兵之寄築城百雉而不日能辦  
則賊難思犯提卒千羣而倍道無進則虜輒見  
俘焉西土之完固也惟爾之功抑東鄙之守禦  
也繫卿是賴載嘉顯烈擢置峻班俾無錢府之  
權行贍國泉之用可特授云云  
鳴戲怙寵不戒則若捨轡馭駿而欲行于遠居



位能卑則如計級升梯而徑登於高宜勗乃心  
無替予訓

故寶鏡寺住持大禪師贈謚圓真國師  
教書官誥

教書

云云夫至人之境生不以為樂死不以為戚廢  
之不以為榮與之不以為辱希夷湛寂非強名  
所到也然昔者佛氏之出也為世所尊故曰世  
尊為天人所師故曰天人師且佛之德非以此  
豐替而其稱謂如此者蓋名隨實著出於自然



故也師則道全德備表儀當世故追崇以國師  
之名夫王師者特一王之攸範國師者迺一國  
之所資實既克中名可逃外宜揚厥号永耀方  
來云云

官誥

門下朕觀披禪服迹禪門口談佛祖之源亶亶  
然可聽膏括人天之際浩浩乎無窮斯若僧中  
之傑也然似是而非捨真即妄以至將佛覓佛  
騎驢見驢者何哉蓋心本自淨客塵斯覆照之  
惟難悟之不易故耳其能熒然獨照迢爾直悟



者求之當世唯我禪公一人而已盍冊鴻名以  
孚輿論故寶鏡寺住持大禪師承迥慧解踈朗  
法器泓深早業宗乘欵飛揚於選席忽懷高想  
戢羈絆於名韁猶恐入山之不深追嗟避世之  
不早拂衣長往枕石自誤身唯骨而兀坐於巖  
巔名無翼而飛落於人世越從先代累降徵書  
業已退藏故雖勿欲反心義不獨善故亦難於  
強項火煨黃獨初不領於銀鈎杯駕蒼流俄忽  
迴於金錫法王昂至僧寶蓋尊王公皆跪膝而  
趨風士女願布髮而籍足或赴法筵於禁殿或



受檀施於侯門縻之以僧職而不力辭處之以  
名藍而勿固拒一彼一此適往適來是達人應  
萬物之大權豈曲士泥一隅之細節所居成市  
請益如林伏卯傳翼者咸得翱翔於釋林霑乳  
分甘者莫不飽飫於道味人不卜景星而見公  
爲之瑞朕不保長城而倚公爲之防隣敵之不  
復窺裔國步之幾至帖泰未必不由於法力也  
其或開話則病牛奮迅說法則早雨霽霽朕耳  
尚聞人言豈飾頃者託以遊方而騰裝南國曾  
不爲朕而暖席上都脫袴期來登床坐逝巖石



割裂草木焦枯嗟法棟之云摧在禪林而安仰  
來也如雲出而澤周天下去忽若月側而光掩  
人間朕早奉緒餘久勤翹仰何以酬於梵德但  
追贈於懿稱是豈私恩實惟公議可特授云云  
鳴戲以公之得法眼藏以師之傳佛心燈決成  
萬德之身已躡一真之境幸推餘蔭永祐丕基  
云云

中書令晉康公圖形後功臣齋唱讀

教書

云云自先哲后將大功臣賜書券以傳家雖使



世蒙餘慶至丹青之畫壁又焉人寫其容但特待奇偉不世如卿者耳卿負經天緯地之才有汰世澄時之意一劍掃乾坤之氛翳九霄開日月之光明奉靈考而踐至尊可謂定策國老輔寡人而纂系丕統實惟佐命大臣享上之誠則罄輸心腑故主不疑董衆之制則一出條例而人莫犯作君元鑑為國太山加又須當虜騎之侵疆剛斷廟謀而破的邦基之再造也嗟系卿是賴王業之中興也惟爾之庸以身當國者二十四年以功膺號者一千餘字自商周已來寡有聲



雖伊旦復生何敢當早作兩川作舟民到于今  
受其賜山如礪河如帶予嘉乃德曰不忘託彩  
繪以圖形期典刑之森眼霞旋鶴駕漠爾雖遐  
河目龜文宛然如在每紀春秋之序倅張香火  
之筵緬惟烈烈之魂諒我區區之懇鳴戲翼亮  
之志死生靡殊相列后之在天佑三韓於永世  
云云

丁公壽爲神虎衛上將軍

官誥

云云由霸以降用虎之邦董千軍之勇也不若



選賢將而任焉責萬人之效也孰與賞元庸之  
最者具官某早懷康濟國家之志動有扇揚中  
外之名出百里而爰召棠民蒙膏潤按一方而  
攬范轡吏挾霜寒屬金國剖分之時當朔郵守  
禦之寄疾游兵之行掠則盡俘而汎掃哀窮將  
之來投則親唁而賑賙彼既生還德爾大惠凡  
有事則輒報其為利者亦多若為他國之防實  
吹我家之盜是汝之權時講好致然也肆擢置  
千人之尹職帶烏臺未幾除三品之資權無鳳  
省尋提節鉞復鎮邊關或轉籌油幕而坐折姦



萌或馳擻氈廬而捕還逋俗是實竒功之卓甫  
豈將常調以答之故越諸先進而超授官階欲肅  
爾底寮而申以風憲果騰茂實克副精掄茲降  
命於中宸俾即真於上將可特授云云鳴戲爵  
爲砥而礪世者朕之柄忠貫日而事君者臣之  
心勉服寵榮益堅操守云云

益莊元伊淡靈大歌各爲禪師

官誥

云云至道居標的之外真人非寵辱所驚譬若  
純白守真不期黼黻之貴其色大音本寂勿貴



笙簧之鼓其聲然已自賤者人必褒焉况實固  
充則名之召也不有冲虛之奧曷當懿顯之稱  
某職某崖岸峻高機關沉邃早脫名韁之拘束  
遂投巖竇之韜藏廣心地莫若汎觀故凡諸聖  
諦無不探源見自性必由懸解故獨於禪法尤  
若合契迴靈光於本分得覺照之常存如茲僧  
寶之奇當與天下而共鴻冥萬里雖若避於網  
羅龍龕九淵無奈吝其雲雨願自爲計則尚可  
其將澤物也如何肆予膏馥諭而徵來此亦徇  
衆情之痛仰果符物望克荷宗乘佛日爲之重



暉祖燈於焉更耀是所謂肉身菩薩者歟宜峻  
空門之品級用增梵德之尊嚴可特授禪師鳴  
戲國君之迎禮高人也蓋期霑丐餘膏法王之  
出現當世也固必紹明正眼勉膺訓命永福邦  
家云云

華嚴業僧統都行 教書官誥

教書

云云夫國家所以設釋門之階品者其意以為  
若時乎有僧中龍鳳魁然挺出其德也望也皆  
爲人之所莫抗對而無稱謂以別之則其與庸



流有何等級耶是以其德之宜居席上則謂之  
首座德與望之合統沙門則謂之僧統此其極  
選也雖本於尊道所稱而未嘗關於名利也然  
亦有高下差等故其浸也稍如朝之班爵之例  
則固不可不澄汰其人然後授之也師以法王  
洪闡圓教爲衆所歸久矣朕何惜其選以孤福  
利邦家之效歟今云云

大官誥

云云道隱冥筌唯碩德迺傳於正法名爲重選  
雖空門莫尚於休偁衆所尊而奉之禮當區以



別矣。蓋崇極品以表英標，某官某慧解，疏通心機，沉邃蓄無盡藏，雖膏吞萬法之源，由最上根獨叻合十玄之味，以荷擔大乘而自任其陶鑄。後學者甚多，常居講席之主盟，可謂教家之司命。國奉戴爲大和尚，身約敕猶貪浮屠歷住名藍，其室若懸磬，再登批筆於已如浮雲境地，自如褒寵所絕。雖然，梁唐有國師大師之號，齊宋置法主僧主之呼，望苟稱於表儀位，且居於首領，肆循公論，俾躡魏階於戲珠玉錢貝易耗也。不若僧寶之爲足支城池溝塹易危也。莫如法



力之爲足恃體茲春注畛爾精勤云云

律業首座都行

官誥

云云儒以禮而約敕人倫如帛之邊幅釋用律而維持佛教猶水之隄防有得究毗尼而守焉斯可謂苾芻之高者宜加厥號以寵若人某官某戒行熟圓機限猛利痛慕東林之遺迹奧追南岳之高風謂縱披三善之衣得叅釋子如不假四分之箴曷蹈聖門遂窮經論而深造乎微旁貫誥訓而增潤其識登壇度衆付餘膏於幾



人傳法利生霑甘露者累紀弘益多矣褒優歎  
然想爾謙卑雖不欲卓居於人上以師德望其  
無柰合處於席端茲徇僉言特加高品鳴戲斯  
五部之文則知之若易其一字之義則行也甚  
難無怠爾修永光于道云云

崔正華爲銀青光祿大夫樞密使戶部  
尚書致仕 教書官詰各一道

教書

云云大抵大夫以縱心之年據經乞退是雖禮  
之常也其若才足以幹國體智足以贊政經以

縱當  
乍縱



左右予一人者則其在人主貪賢之意固挽而留之於理不爲不可若卿者是已然卿以齒邁不任從事爲辭其志確然有不可奪者如是而猶強焉斯又理之不可也且臣以禮進退則君以禮待之義也其所以優其禮者唯是區區增秩進爵之一段事耳朕可刊印耶此之授也豈其意歟云云

官誥

云云龜德元臣非重官則莫符群望鴻樞繫列作單使者能有幾人汰而授焉受亦榮矣某官



某生 慶閱夙涉要津備更中外器使之官動  
適方圓幹局之用嘗掌天臺則百揆允叙再司  
廷尉則五聽無淹鎬邑臨民褰賈囊而宣化參  
壚按吏攬范轡以馳威頃復以虜兵之寇邊迺  
出知戎政而却敵況爾之外祖某規模完大斟  
酌詳當特因赴塞之戎軍不堪暴露肇立寓屯  
之公館以脩帡幪積善所鐘有孫唯肖擬欲置  
宰衡之地先擢升機密之司朕既用之不疑仰  
成滋切卿以老而爲解乞退甚勤如不獲已而  
領之期有以寵其情耳肆即本官而增秩俾成



逸境之願神於戲上之厚下也不以遠近移恩  
臣之忠國也不以進退易調祇膺予命益勉後  
圖云云

盧之正金吾衛上將軍

官誥

云云京邑爲衆大之居不可無備金吾掌徼巡  
之職以禦非常統茲驍勇之兵選必英豪之士  
某官某剛腸嚼鐵清節礪冰疾惡面折則張目  
敢言見善心服則扼腕絕倒歷位多矣雖已作  
巨官豐祿之身居室淡如常自爲逸士高人之



行曩奉一麾之命出專百里之城摘發如神吏  
莫能測公廉守法人不忍欺及還宿衛之班累  
荷甄升之寵凡事上之忠謹孰與汝之勤勞非  
朕獨嘉乃能抑其推轂者衆考績亦當例轉又  
可刊印之爲肆登上將之班蓋徇輿人之意可  
特授云云鳴戲朕不以城池爲固而保於良將  
爾亦期金石其心而輔予冲人唯命之承其祿  
不既云云

崔傳銀青光祿大夫簽書樞密院事右  
散騎常侍



官誥

云云位亞黃扉地親紫禁凡所圖機密之政惟  
一二臣得與聞雖以予器使之賢復千萬選然  
後授某官某德爲人範世襲儒門幹局識度之  
皆兼得大臣體文學德行之無缺有乃祖風曩  
提南國廉按之權迺奮昔日澄清之志有劇賊  
敢圖非望漸至枝繁若當時不早爲謀幾成根  
固由爾策先折其銳故官軍得以易擒卿實有  
力而覆爲他功賞則未聞而反遭橫議有識所  
嘆惟朕亦知故頃者拔自亞卿之聯直除三品



之狹西掖獻替屢陳藥石之言南臺糾彈肅振  
風霜之憲宣威蓮幕則犬羊莫近我境典選棘  
圍則鸞鳳舉集南門真卓爾非常之才宜待以  
不次之遇是用擢置本兵之地申兼陪乘之榮  
躡衆遷升是亦似乎超授較卿才望猶未足以  
相當可特授云云鳴戲朕自比金以卿爲之良  
匠汝惟作揖俾予濟于巨川勉服訓詞往膺寵  
命云云

朴文倫上將軍兼戶部尚書

官誥



云云位登上將威摠禁軍非唯作朕之爪牙由  
嚴警備抑亦爲邦之藩蔽直折遐衝苟非其人  
曷勝茲任某官某虹盤豪膽鷹麟雄姿自始涉  
於仕途未嘗離於內仗早自蓄經綸之志豈專  
爲虎勇之臣往出守耽羅之舊邦無奈復黃霸  
之理最以爾有當時之遺愛復令諭茲邑之逆  
徒龍節始臨鶡音旋革及得補將軍之任痛欲  
成蓋代之功督戎兵而鎮邊頑戎不敢窺塞從  
帥府而征虜勍敵無與抗衡跨歷三年辛勤百  
戰俄拜登壇之命累提杖鉞之權或迎勞達旦



而俾遄復其居或交好東真而使一依所教南  
宮司會恢若有餘東閣節儀粲然可觀朕方柄  
用理豈反擠何忽因無妄之灾久勞于外是必  
以登庸之漸先苦其身凡再更江郡之喧卑輒  
能掃島夷之侵寇雖居左宦尚竭孤忠天命豈  
宜久屯人望不可終棄故徵以羽林之峻級復  
兼茲版籍之魏司可特授云云鳴戲金寵愈精  
玉琢更美由備嘗於險阻又深得其老成凡百  
處心苟益操於謙柄在一舉足即便躡於台階  
祇若予言同底于道



李題樞密副使右散騎常侍

官誥

云云鴻樞爲機要之官得參帷幄騎省極高華  
之選必揀貂璫非人無得妄加自古尤難斯任  
某謹愿篤實而有鎮浮之德沉深弘雅而負經  
遠之材爰自先朝出從始官方剖符於郡寄已  
游刃於吏能歌范之謠遍騰於一境徵黃之命  
降自於九重因荷異恩久陪通列及寡人之即  
祚採舊代之積勞歷置周行以觀優效秋曹平  
憲五辟不私重輕天部掌銓九流多所甄別當



官辦事則釐革得其體將命奉使則寬猛折其  
衷分司北塞也繩懦吏而肅振臺綱作守西州  
也繕守備而能禦隣敵南國雪登車之志東蕃  
宣杖鉞之威爾能有餘朕用不匱知可託腹心  
之寄遂委予喉舌之司進止詳華敷奏明敏朝  
夕左右之與昵既得詳其爲人官職陟降之攸  
宜何必疑而咨衆是用置茲密地無以諫司可  
特授云云嗚戲設官所以褒忠遇主然後行志  
得賢爲寶朕既待爾以非常憂國如家卿亦匡  
予之不逮祇膺予訓永孚于休云云



始興伯佖爲淮安公

教書

云云我國之於戚里設公侯伯三等之爵蓋殷  
制也卿以宗英夙膺伯爵有年矣以爾之德望  
雖早以公侯處之不爲不可但稽違未果耳今  
者夷狄之爲患甚矣顧力不能扼制則其勢不  
可不與之講和結好小緩其心苟必欲如此非  
遣懿親茂族未知其可而宗室之中無若卿之  
文彩足以夸耀異方威重足以壓服頑俗故以  
爾命焉則宜大其位以重其權亦且寵其行也



是用超躡舊資優加公爵以副汝之德望也汝  
往諧哉戡定國難俾朕無墮聖祖之休命不曰  
良哉云云

同前官誥

云云百王之制尤崇盤石之宗五等之封莫峻  
桓圭之秩惟國與家之所以為固非親且賢則  
無得以居其官其挺秀宗支作蕃王室禮議詳  
審而不失尺寸言行端方而動中準繩非特疑  
謀之可咨亦堪大事之是託氣豪膽足雖雄入  
九軍必不疑器碩才先使坐食萬戶猶或歎尚



淹伯爵有愧朕心今者憬彼戎胡侵吾封境狼  
貪之欲滋甚虎噬之毒無厭亟馳使介而難諭  
以和須遣宗親而示加其厚當此行者捨爾誰  
歟位不高則未足鎮衆心權不重則無以稱大  
任故授以上公而崇其資級又中以大師而作  
予表儀可特授云云鳴戲夷險節是爾所守  
也此則已無疑焉終始完名在卿之慎也庶幾  
益自謙耳勉承茲訓徃服乃司云云

淮安公爲守大師尚書今余如故別宣

麻 教書官誥



# 教書

云云夫尚書令百官之長也地峻位極故無其人則闕焉時或以懿親置之然非有重望元功亦不可妄授故雖宗室之中得闕斯任者無有幾人矣卿方國家艱棘之時赴戎狄縱橫之地鎮之以威重和之以語言果令醜種頑戎北首班師則可謂奇偉蓋世之功也噫當此時微卿幾無今日矣且功豐則賞宜醲器大者位必緊肆擢置論思之地欲益資經濟之庸云云

## 官誥



素當  
作素

云云國君封懿戚茂親雖獨以公侯之爵宗室  
有元功大烈亦得兼宰相之權况朕之置中臺  
猶天之有北斗孰當斯任今得其人某官某瓊封  
挺姿璿源毓粹在家樂善雅師河憲之賢履法  
奉藩復躡沛王之善加又襟靈沉邃世皆知早蓄  
壯心氣節軒昂朕亦諳可託大事頃者上天降  
孽頑虜侵疆既逼驅遐遁之人民又求素君臣  
之子女啖厚幣不足以悅志馳膚使不能以講  
和擬煩肺腑之親往結茶膠之約選於戚里無  
若爾斗膽之豪雄授以上公使赴彼旣表之屯



衆卿於是蹈艱名易赴難如歸謂齊世在吾此行故捐身莫以爲懼示麟趾振振之信動罔不孚雖獸心蠢蠢之徒尚能知敬果使戎兵而豁去遂令吾俗以再寧實卓然不世之功宜賞以非常之寵尚書乃樞機之司也令爲之長大師是模範之任也忍所尤尊茲二者尚劣於元庸予一人猶歉於私意然人臣之資級無過是官以今日之頒宣頗爲異渥可特授云云鳴戲效殷王之命說朕何望焉體鄭伯之相周汝所勉耳矧自今揔政之繁劇非若昔在邨之燕閑敬



服乃司無替予命云云

東國李相國全集卷第三十四



東國李相國全集卷第三十五

碑銘墓誌

故華藏寺住持 王師定印大禪師  
追封靜覺國師碑銘奉 宣述

夫道本自如孰抑揚是要之世與人而已矣蓋  
人能弘道非道弘人人固難得而閱千百世儻  
一值焉則世與人二者相湏而後道行焉況道  
之最者曰禪非若膠於文句者而直見自家所  
有一靈印耳降及叔世妄執鉗固不知佛是吾  
物捨而之外認賊爲子者多矣道不終否世將



復古於是乎有真人出焉與道吻合得正法眼  
藏陶鑄生靈者繫我國師是已國師姓田氏諱  
志謙字讓之系出靈光郡

大祖功臣雲騎將軍諱宗會而光廟朝擢第龍  
頭官至樞密院使諱拱之之六代孫也皇曾祖  
諱溉檢校太子詹事皇祖諱德普大倉署令皇  
考諱毅檢校太子詹事皇妣南宮氏良醞令榮  
之女也母夢梵僧至家請寄宿因而有娠及生  
骨相峻爽機神英邁弱不好弄常若有思念者  
忽遇異僧曰此子塵中無着處師自是斷葷腥



年甫九歲懇求出家十一就禪師嗣忠祝髮明年就金山寺戒壇受具師天資警悟淹貫外典以此潤色故凡於問對詞辯捷疾如機發箭激不可遏已一時公卿名儒韻士想望風彩願與之交焉自少已有宿望如此 明廟即祚元年始舉禪選時內侍鄭仲壺掌選夢神人告曰明日得王者師是日師中焉舊諱學敦是年遊三角山宿道峯寺夢山神告曰和尚名志謙何用今名遂改焉大定己酉始住登高寺明昌四年批除三重大師七年加禪師泰和四年又加大



禪師師既名聞四方凡内外有開禪會輒請師  
主盟師亦以荷擔宗乘傳法度人爲己任承安  
四年移住郁錦寺是年進禮郡設禪會請指南  
者上命師赴焉是會也縣令李中敏夢天人告  
曰淨佛國土何因固不空耶及覺遍體流汗躬  
至獄門罪無輕重皆原之聞者莫不驚歎泰和  
戊辰旱甚上迎入內道場說法至五日不雨師  
憤之乃禱佛曰佛法不自行須憑國主今若不  
雨靈應何存無幾何甘澍霽霽時號和尚雨師  
至孝凡得檀施苟有異饌先送孀母然後敢自



食一日聞母亡遂於帝釋前禱一母若筭窮願以子壽代之未幾家僮馳報夫人已起時以爲孝感所致泰安辛未移住國清寺崇慶二年康王卽祚循祖宗舊例欲得釋門重望爲師時晉康公當國爲上遴選凡於兩宗五教求可以承當大任者無出師右遂以師薦焉上遣重臣請行摠衣之禮師上表固讓上復遣使敦諭至再三師不獲已受請上特遣上將軍盧元崇等兩使就所寓普濟寺脩禮封崇受冊訖遂入大內親受師禮上以廣明寺近帝闕請住焉申以居



頓寺爲本寺充香火之費秋八月上不豫師亦發背疽門人等請禱師厲色曰上體不安而予幸有疾切欲移之身汝將禱耶上升遐今上嗣位以寧考師復崇師禮恩遇益縟晉康公亦割捨愛子剃度爲門人其餘士大夫亦爾門弟之盛近古未之有也貞祐五年忽謂門人曰吾起寒門至爲王者師於分足矣豈可貪冒恩寵久留輦轂耶遂上書乞退甚篤上不得已允之以花藏寺境地清勝薪永贍足請下安於此將行也晉康公邀餞公出拜親扶掖上階及上道贈



寶馬又遣門客等衛行師雖在千里上之春意  
不已屢遣近臣問安其贐餉亦無虛月矣下寺  
之十二年己丑六月十五日震雷暴作大石崩  
落是日師示微疾七月二日晨起盥洗召門人  
玄源祇書三道屬國王及今相國晉陽公高僧  
松廣社主告以長邁寫訖良久曰今日行未便  
迨後日迺別遂就寢至八日忽起告衆曰定光  
寂寂慧日明明法界塵寰臍輪頓現有僧問故  
人云後夜月初明吾將獨自行作麼生是和尚  
獨行處答曰蒼海濶白雲閑莫將毫髮著其間



言訖叉手當宵脩然坐逝顏如傅粉脣色丹潤  
遠近無不奔赴瞻禮上聞訃震悼命近臣將作  
少監趙光就及日官等監護喪事遂荼毗于寺  
之西崗拾靈骨葬于登禪山之麓仍降制贈謚  
靜覺國師享年八十五僧臘七十五國師爲人  
略無緣飾因性循理而已雖歷住大伽藍每至  
齋時先衆而出手擎鉢立待鹿麕食淡羹與衆均  
味而未曾別開饌食其精勤佛事雖盛寒酷熱  
略無歆傾倦怠之色此皆老境所難而能行之嗚  
呼真化身菩薩歟其感應靈異之事則雖或



多焉皆道境之細而又恐後人以為恠誕故於  
此不載門人大禪師廓雲等聞云師沒久  
碑猶未立是臣等所深疚請為文者鑱諸石以  
永其傳上命小臣文之仍賜額曰某碑臣未敢  
辭避謹再拜銘之曰

達摩傳心兮靈光東曜後學倒見兮背鏡求照  
焯焯國師兮揭日以行廓烟氣兮昏朦皆曄  
法王出世兮祖月重暉覺路司南兮學者知歸  
門弟林林兮親哺以乳又翼其驚兮放之使飛  
種福滋久兮流潤罔極天子屈尊兮北面請益



生為帝範兮卒作國師龜鑑斯之兮安所取則  
上命小臣兮期以不晦臣拜刻銘兮與山作配  
來者去者兮騎行則下寧不拜佛兮惟碑是拜

曹溪山第二世故斷俗寺住持修禪社

主贈謚真覺國師碑銘 并序奉 宣

述

刻石於地窄請刪  
於石仍設二本不同

夫自有心法已來凡衲子之鼻孔遼天者原其  
靈臺孰不欲與霜月爭潔耶然至於宗門之名  
品升降則有不能大忘情者於是以此為嫌  
遂深道嚴名潛修心要切不欲嬰其名累而名



自逼逐者孰是歟如我國師當之矣况自妙齡  
業已從事於文章未幾旋擢賢關則學非不精  
也命非不偶也若小忍須臾便登桂籍長驅前  
途不失爲名士大夫而反割棄垂就之名猶以  
不旦落染爲恨其超然出世之心亦於此可驗  
求之於古蓋法融天然之比也國師諱惠諶字  
永乙自號無衣子俗姓崔氏名寔羅州和順縣  
人也考諱琬鄉貢進士母裴氏夢天門豁開又  
夢被震者三因而有娠凡十有二月乃生焉其  
胞重纏又如荷袈裟狀及拆兩目俱瞋經七日



乃開每飲乳後輒轉身背母而卧父母惟之父  
早薨從母乞出家母不許勉令業儒然常念經  
持呪久乃得力喜毀斥淫巫祓祠或徃徃救人  
病有效承安六年辛酉舉司馬試中之是年入  
大學聞母病遂還鄉侍疾於族兄裴光漢家歛  
念入觀佛三昧母夢諸佛菩薩遍現四方覺而  
病愈裴氏夫婦亦同此夢明年母即世時普照  
國師在曹溪山新開修禪社道化方盛師徑造  
叅禮請營齋薦母因乞剃度國師許之是夜呵  
舅夢師之亡母升天始師之謁國師也國師見



之以爲僧更見則非也先是國師夢雪竇顯禪  
師入院心異之明日師來叅由是益奇焉師嘗  
居蜈山坐一磐石晝夜常習定每至五更唱偈  
甚厲聲聞十許里略不失時聞者以此候旦又  
居智異山金臺庵宴坐臺上雪積沒頂猶兀坐  
如枯株不動衆疑其死撼之不應其刻苦如此非  
夫與道凝精外生死遺形骸者孰至是哉乙丑  
秋國師在億寶山師與禪者數人方往謁憇山  
下距庵千餘步遙聞國師在庵中喚侍者聲作  
偈其略云呼兒響音落落松蘿霧煮茗香傳石徑風



及參禮舉似此話國師領之以手中扇授之師  
呈偈曰昔在師翁手裏今來弟子掌中若遇熱  
忙狂走不妨打起清風國師益器之又一日隨  
國師行國師指一破鞋云鞋在遮裏人在什麼  
處答曰何不其時相見國師大悅又舉趙州狗  
子無佛性話因續舉大慧杲老十種病問之衆  
無對師對曰三種病人方解斯旨國師曰三種  
病人向什麼處出氣師以手打窓一下國師呵  
呵大笑及歸方丈更密召與話乃喜曰吾既得  
汝死無恨矣汝當以佛法自任不替本願也秦



和戊辰欲命師嗣席即退安圭峯師固辭遂去  
智異山絕跡滅影者數載大安庚午國師入寂  
門徒聞于上承勅納住師不獲已入院開堂於  
是四方學者及道俗高人逸老雲奔影務馬無不  
臻赴社頗隘康廟聞之命有司增構屢遣中使  
督役遂闢而廣之又遣使就賜蒲繡袈裟磨衲  
各一領并茶香寶瓶因求法要師撰心要以進  
今行于世自是公卿貴戚四岳邦伯聞風慕道  
或遙禮爲師或親趨下風者不可勝紀凡禪講  
之負氣屈強自謂莫已若者及一見莫不愕然



改容猶師事之不暇也今門下侍中晉陽崔公  
聆師風韻傾渴不已屢欲邀致京輦師竟不至  
焉然千里相契宛如對面復遣二子參侍凡師  
之常住資具莫不盡力營辦至於茶香藥餌珍  
羞名菓及道具法服常以時餉遺連亘不絕今  
上即位制授禪師又加大禪師其不經選席直  
登緇秩自師始也叅政崔公洪胤於未相時嘗  
掌司馬試師出其門下未幾公入相師住曹溪  
相國稱弟子願登名社重衣以書致意其略曰佛  
光樂與於白學士親授大乘嵩岳欣迎於賀秘



書密傳妙旨師答之其略曰我昔居公門下公  
今入我社中互爲賓主撥作師資聞者傳以爲  
勝事貞祐己卯詔住斷俗寺累辭不允明年入  
院然以本社爲常栖之所癸巳仲冬在本社示  
疾晉陽公聞之大驚遂聞于上遣御醫某診視  
春徙處月登寺麻谷入室師曰老漢今日痛甚  
谷曰爲甚麼如此國師以偈答曰衆苦不到處  
別有一乾坤且問是何處大寂涅槃門師豎起  
拳頭云遮箇拳頭也解說禪汝等信否遂展掌  
云開則五指參差握拳云合則混成一塊開合



自在一多無尋雖然如是未是拳頭本分說話  
怎生是本分說話即以拳頭打窓一下呵呵大  
笑甲午六月二十六日召門人囑事謂麻谷曰  
老漢今日痛忙答曰未審道什麼師云老漢今  
日痛忙谷茫然師微笑趺趺而化明日茶毗於  
月燈寺之北峯拾靈骨還本山上聞之震悼贈  
謚真覺國師乙未仲炎葬于廣原寺之北遂立  
浮圖上賜額曰圓炤之塔享壽五十七臘三十一  
有二自師之示疾生緣處山石崩落又群雀滿  
洞飛鳴者十餘日嗚呼其異哉其平生真感神



楊超揚

異則有龜受戒蟾聽法慈烏含籌特牛跪途等  
事皆世所傳門徒所記又非儒者所說故於此  
不詳云師性冲和碩實既自儒之釋凡內外經  
書無不淹貫故至於談揚佛乘撰著偈頌則恢  
恢乎游刃有餘地矣不如是安能迹不踐京都  
而坐享一國所仰若是哉噫真可謂禪門正眼  
肉身菩薩者歟嗣法禪老夢如亦法王也請逸  
庵居士鄭君奮草具行錄以立碑請於晉陽公  
公曰和尚住世利人多矣樂石不可不立遂聞  
于上上命小臣爲之銘其詞曰微笑已後傳心



者誰於我三韓國師得之生荷袈裟其兆已奇  
果得正眼超視當時自見是性傳人曰辭不有  
傳法迷者何資上堂舉話疊疊其說舌是佛心  
心是佛舌默固自然談亦可悅身遁深巖名從  
何洩學者趁追雲蒸丈下左右扣之應接靡暇  
曾不放我片時閑坐五教來叅熏染般若列岳  
躬趨痛求入社王公遙挹謂若親炙三十二臘  
膏液所及有許多人飽飲周洽法棟云摧萬眼  
同泉上甚哀悼王色慘然贈終孔繹寵典靡讐  
仍命小臣豐碑是鐫此山寧騫此石不遷



登仕郎檢校尚書戶部侍郎行尚書都  
官員外郎賜紫金魚袋尹公墓誌銘

予爲文至碑碣銘誌苟不誠其人信其實固拒  
而不受心竊道曰南山之石其有何辜忍雕損  
貞姿書溢美之辭耶及尹公之卒也既得誠其  
人又得其實故不可以不叙公諱承解字子長  
樹州守安縣人也三韓功臣內史令明義公尹  
逢之七世孫也曾祖檢校太子詹事諱衡皇祖  
大樂署丞諱壽皇考檢校戶部尚書行尚書戶  
部郎中賜紫金魚袋諱裕延皇公實尚書府君



第二子也少力學年十八中司馬試一科再舉  
春官不捷以門蔭從仕調補知水州事判官水  
州號俗阜率爲人求得故鮮克清廉政皆姑息  
吏狃成習頗緩弛無紀公到官一切以法繩之  
吏畏憚莫敢正視凡約束一如條禁無敢犯者  
以政異聞秩滿除玄德宮錄事尋遷左右衛錄  
事叅軍事俄出爲珍島縣令清約一如水州所  
理威愛則加焉縣在海中腥陋有蠻獠風凡應  
對賓客不似汭路他郡奉使者若之公悉更革  
使如巨官大邑又民恃魚鹽不甚力農公督令



歸畝始也。民有憚色。及得其入。然後顧樂趨之。雖歲儉不匱。入爲神虎衛錄事叅軍事。癸巳歲。輦下兵起。衣冠搢紳無不逃竄。公獨守官。確固神色。自若。上聞而嘉之。召見。面獎曰。昔聞若之忠勇。今見其實。改授神虎衛別將。公以虎職。非本情。故不受。後拜閣門祇候。旋擢監察御史。出爲西北道分臺。先是。成州豪儻壇殺官。奴前後奉使者。初欲窮理其狀。迨及平民。無不械縛。聞郡騷擾。未幾。置而不問。由是常爲貨賂之藪。公入州。鞠按詳審。得首謀與手殺者。誅之餘悉不



理一州安之内外俱慶入爲尚食奉御賜緋魚  
袋又遷尚書都官負外郎賜金紫上嘗遣諫官  
宋端南方採訪十年來前後典郡者之政績優  
劣水州以公所理舉爲最凡三十年矣宋公曰  
朝旨以十年爲界此甚遼遠恐違詔條之意吏  
民曰天子所以遣使臣第求異政耳尹公遺愛  
至今未嘗去民心尚如前日故舉之豈論遠近  
耶皆伏地叩頭其請至痛切宋公額而奏之上  
益嘉嘆有司亦不敢訾焉某年月日得疾卒于  
第年若干某月日葬于某山夫人張氏大府卿



諱忠義女也生子男二人曰松筠曰松筠  
嘗倅密城以清苦嚴毅聞松竹尚爲散官女一  
人未適人公爲人資端直敢言所至率清素家  
無甌石之儲凡不問家事怡怡如也旦夕但以  
奉官守職爲志真朝廷之正人也而官不過貢  
郎惜哉子松筠等叙公之世系官爵因人之與  
予有舊者來請銘於予予不敢拒者以予先君  
嘗與公同寮每見公袞袞接話言予雖未測淵  
源頗窺畔岸又所書遺迹則皆播在人口而非  
其嗣之列以來請者是非誠其人信其實否耶



故執筆而銘之云遺子百金惟禍之召公獨以  
清萬世之寶有爵斯固寔安宅兆公保於此廼  
子孫之保刻銘納窆爲後之考

金紫光祿大夫叅知政事上將軍金公  
夫人印氏墓誌銘

夫人姓印氏某縣人也某官某之孫左右衛大  
將軍諱榮寧之第二女而今叅政相國金諱元  
義之配也既笄歸于金公夫人自在家事父母  
甚篤友兄弟甚穆及嫁移所以事父母者事舅  
姑有禮而加敬焉移所以穆兄弟而悖夫之族



加厚焉其御婢妾寬重不苛細故下雖畏而不  
戢叅政公起自將官凡征成裝賫及隨例餉處  
宴飲之費煩浩不細夫人皆手親之無不精辦  
略無倦容公之歷位至宰相夫人有內助焉家  
本饒財然不以富致手離女工子姓諫止之夫  
人曰紡績蠶織婦職也類若輩之文書筆硯烏  
可顧交離也及公之至相位然後輟而不親一  
妾妾侍晚節奉佛尤精嘗讀金剛經生子曰公  
粹進士登第今爲入內侍監門衛錄事叅軍事  
兼直翰林院次曰某爲將官備宿衛女子適劉



昌緒今爲將軍公粹以與予同寮內翰故來乞  
銘銘曰肥其家不係財秉德之靜專功於國不  
必身有子之才賢嗚呼男子之無羨夫人其有  
焉

金紫光祿大夫參知政事判禮部事鄭  
公墓誌銘

某月日參知政事判禮部事鄭公薨方葬也夫  
人泣謂典喪事者曰葬不可無銘石以識于隧  
然無子姓之圖有以顯後世不朽者痛莫甚此  
予雖婦人聞正言某是能文者若等可爲妄率



書往乞銘詞某日予自西掖待午漏方出夫人  
書至閱其辭有足憫惜則吾豈惜鄙文以孤其  
意乎於是序之曰公諱克溫全州尚質縣人也  
興威衛中郎將諱某於公爲祖皇神虎衛大將  
軍兼大僕卿諱元寧於公爲考皇公始籍山東  
爲良醞令同正召入內侍進止詳華又素職恪謹  
上甚器之先是有征西戰功未賞也上以其功  
改授金吾衛散員累轉至神虎衛郎將兼尚書  
工部員外郎俄改刑部員外郎皆仍內侍又累  
至興威衛將軍兼禮部侍郎會江南賊熾朝廷



出三軍討之公以所領軍赴戰素得士心至是  
益訓練卒伍每戰俘獲居多賊遇公軍輒却無  
敢當其鋒者入爲大將軍兼大僕卿凡所歷重  
官自大將軍循資爲上將軍轉秩爲尚書右僕  
射掌機密爲樞密院副使帶風憲爲御史大夫  
入南臺爲守司空左僕射登鳳閣爲知門下省  
事於鳳閣遷資爲叅知政事兼判禮部階自朝  
散大夫正議大夫至銀青光祿大夫金紫光祿  
大夫此其詳也公所臨不露圭角故當時無赫  
赫大名去皆有遺愛凡攬轡南方秉鉞北塞



威愛得中人皆便之至今頌詠不輟口嗚呼公  
之平生也謹愿仁和宜享壽也而不得究隱德  
陰功宜其昌後也而卒無嗣是所未信於冥兆  
者已夫人田氏良醞令某之女也公之卒實貞  
祐三年二月某日也上聞計哀悼輟視朝三日  
勅有司襄事百官會哭贈謚曰某公申以誄詞  
寵之以某月日葬某山予則銘其墓曰顯允賢  
考勇虎沈沈仍世戴鶚皆奮而揚至公大振簪  
駢欬張風雲威會遠步超驤出將入相手鉞腰  
章機關秘邃人莫窺量翼翼亮四朝舊德彌芳云



何不淑豐棟云僵伯道無兒天意茫茫孰承家  
廟以奉蒸嘗何以慰之國典其喪百官奔葬祖  
道有光男兒若此無子何傷相彼山阿松檟鬱  
蒼宜公之宮萬世之藏哀哀夫人泣涕霑裳乞  
銘勤勤有惻于腸鐫詞樂石幽壤焜煌

金紫光祿大夫守司空尚書左僕射太  
子賓客田公墓誌銘

夫士方未顯喜議駁朝廷大臣之出處云就父  
身居其地有不能如其言矣况官高而志益卑  
富貴而能知足者實今古賢士大夫所難而非



喋喋議駁者之所到也誰其有之吾於僕射府  
君田公見之矣公諱元均字真精全州泰山郡  
人也曾祖諱某祖某皆爲郡司戶至考諱罷文  
始入朝仕至朝散大夫神虎衛大將軍無禮賓  
卿以公貴追贈尚書左僕射母許氏亦系出泰  
山以公累封至泰山郡大夫人公生而穎異  
自童年已有老成體人固已竒之矣年十七舉  
成均試中之後因門蔭入仕嘗以不第爲恨然  
博古綴文自老儒宿學皆自以爲不及庚寅明  
宗即祚召入內侍凡指使皆稱旨上才之屢以



賞寵之大定二十年拜權知閣門祇候壬寅以  
殿中內給事賜緋出知陝州清廬不受苞苴其  
撫細民未嘗不拊循哀惻實出由誠及繩猾吏  
鋤理甚威發姦摘伏如神一州敬憚決獄尤詳  
審雖受捧楚者皆曰田君決之吾何怨之有入  
爲試閣門祇候遷監察御史俄拜左司員外郎  
尋改吏部員外郎時怙權橫恣者求其子入仕  
理有不可公竟不聽其人深憾之後還道上怒  
罵歐輟至蹴墮溝中雖憲司佯若不聽然聞者  
不以爲辱而壯公之守正不撓也累歷侍御史



刑部左司郎中皆賜金紫未幾拜將作少監明年以戶部侍郎出知西京留守西都劇邑稱難理公抑強扶弱威愛相濟闔都稱頌無有敢欺自近世司鑰未有出公之右者秩未滿拜爲衛尉少卿凡按廉春州全羅慶尚等三道褒清發贓皆物議所歸凡有興利除害者無不勇爲之輒疏聞之上皆允可歷御史雜端刑部侍郎泰和二年冬十一月東京義庇之黨與草賊巨魁勃左等起兵多殘敗州縣將有犯順之意上命三軍分道討之選公爲中軍兵馬副使凡幕



中計畫多出公之謀議故中軍之擒斬賊魁義  
庇勃左及名賊不可勝數公實有力焉嘗屯雲  
門山也公獨完葺廳事施曲欄倚檻蒔瓜其側  
無慮百本或告以爲此非種瓜之所公笑不答  
人莫知其故公密謂幕佐曰賊忌官軍之先據  
要險利其速徙屢驚擾之故將示以毋動以絕  
賊望也其方略皆此類終賊滅竟軍雲門山自  
固癸亥在軍中就加吏部侍郎明年凱還京師  
除拜判將作監兼大子中舍人乙丑出爲西北  
面兵馬使北俗性剛悍難化自公下車略示敢



千紀上嘉之擢爲樞密院右承宣無大子庶子  
特遣內侍閔瑄宣召赴闕丁卯因公事見劾出  
樞密院爲光祿大夫判大僕事知御史臺事知  
臺勢埒承宣人愈榮之而公亦不以爲懽戊辰  
進拜銀青光祿大夫樞密院副使御史大夫大  
子賓客以親嫌改臺銜爲左散騎常侍未幾遷  
知院事吏部尚書大安三年拜金紫光祿大夫  
守司空尚書左僕射司空一品也公自登是職  
嘗喟然嘆曰吾起平微無文華虎功有以輔相  
官家徒以刀筆吏官至一品此已足矣留之何



待遂引年稱疾告退甚篤上不得已允之公得謝然後欣然肆意退居于城西之莊葛巾野服逍遙偃傲每與親舊置酒盡歡以遂揮金之樂越戊寅某月日感疾卒于第享年七十有五公性慎密凡政事施爲其機張鍵閑人莫窺測及談而後知之無敢更議者敦篤忠信嘗以卑謙自牧與人言開豁坦蕩莫有畦畛人樂而忘倦然內強毅臨大節有確然不可奪者娶某官桂氏女凡生四男四女男曰甫龍登進士第爲內侍大官署令曰得良祝髮爲僧緇秩至三重大



師曰甫龜爲金吾衛郎將曰甫麟爲管絃坊判  
官中軍錄事女一適內侍弓箭軍判官安某一  
適內侍開城牧監直文某一適守宮署丞李某一  
一適隊正李某皆衣冠搢紳之嗣也甫龍等旣  
卜兆于某山先葬日具公之行狀屬予爲銘蓋  
以予嘗從公于征東幕府得公之詳故以爲託  
而予可辭乎敢灑泣濡翰而銘之曰世薄民偷  
天嗇賢士假如生之不假如位道屈莫信民未  
蒙利獨於司空豁斷屢意載爵輦祿悉輟以畀  
公受而有如荷重器畏盈忌滿若擎盤水翼翼



忘勞服勤王事既肥其國顧瘠其已南符西綬  
民受其賜出八臺閣爲邦之紀品登一品猶背  
負刺軒裳得釋四體方肆退逸于莊城西之里  
幅巾以遊一杖雙履願言圖形寫真孰似身沒  
名芳輝映青史公死猶生吾不謂死新宮之寧  
子孫其熾勒銘貞珉與山終始

殤子法源壙銘

沙彌法源吾子也捨吾姓而從釋氏者也年十  
一投禪師規公祝髮爲衲僧事師甚謹性警悟  
凡使令輒迎導其意不須頤指故師最愛之在



寺暴得病至吾家卧一宵明日而化間三日瘞  
于山噫何其倏忽也如此歲金龍月黃鍾剝度  
年水馬律夾鍾反真爲僧凡一十六月耳予遂  
爲銘詞刻三尺木板納于壙寓哀而已其身與  
銘不如速朽何必鐫諸石壽其傳哉銘曰僧其  
服一日足况二冬一夏汝死猶可

東國李相國全集卷第三十五



古今圖書集成

卷一百一十五



東國李相國全集卷第三十六

墓誌 誄書

京山府副使禮部員外郎白公墓誌銘  
歲甲申月孟秋京山府守白公卒于理所夫人  
至京師旣襄事而將葬也知予於君爲舊執使  
其孤希諗叔明等來泣乞銘予於是論次而識  
之云君爲人敦篤謹愿不抗以自高不婉而苟  
順實醇厚正直君子也少力學工屬文年十九  
舉省試中之是戊午夏之五月也至六月又舉  
春官擢第大抵連月再捷士所難得而君又年



少故人益異焉泰和六年籍屬內侍居近密者  
十有九載以幹事貞固稱我朝成例凡禪教選  
席使近臣之能文者主之故上以曹溪之選委  
君一而君精汰遴揀所得皆一時名衲子後多爲  
法王宗匠騰蹂叢林者又西海經契丹寇擾凋  
弊尤甚上遣君爲蘇復使君以便宜賑貸所活  
不可數民於是幾骨而復肉矣凡閹官自句覆  
院判官歷補秘書校書郎衛尉寺注簿少府寺  
丞五遷至閣門祗候未幾以禮部員外郎賜紫  
金魚袋拜宣州防禦副使病不克赴間一年復



出守京山府到官數月病復作遂不起享年四十六以是年九月某日葬于某山鳴戲以君之聰明才幹得官爵壽命止於此而文章不得以潤色皇猷道德不得以康濟時用是尤可惜者已君諱賁華字無咎清州藍浦郡人也故朝議大夫判秘書省事翰林學士知制誥諱光臣之子而故大僕卿贈三重大匡諱司清之孫也娶尚書左僕射林諱惟謙之女爲配凡生二男曰希諗祝髮爲浮屠曰叔明甫冠未仕君晚喜禪法自號叅禪居士云銘曰



鳴戲白君止此而已耶束髮飛騰意在千里孰  
云暴顛賁志入地宅兆孔寧維子孫之祉

銀青光祿大夫尚書左僕射致仕庾公  
墓誌銘

觀自古士大夫其始未嘗不以廉恥操心滿盈  
爲戒而及富貴方酣率翫惜日月恬不知退者  
多矣我僕射府君大異於是年六十有四已登  
端揆則其去台鉉能有幾級而未踐其地耶但  
先六載引退求避溢寵耳不然久已升極秩而  
猶有餘矣此易所謂知進退存亡不失其正者



歟庾氏源于錦城之茂松在版籍爲甲而公其  
出也公諱資諒字湛然曾祖諱某皇檢校太子  
詹事祖諱某皇檢校太子大師考諱某皇配某  
廟功臣門下侍中修文殿大學士判吏部事贈  
恭肅公母張氏尚衣奉御諱資之女此公之世  
系也公爲人中和毓粹莊重寡言仁信足以感  
人清儉足以律世此公之受之天也方毅廟時  
山東竊盛公年十六與貴門子弟約寫文契公  
欲引虎官御史龍行首吳光陟李光挺等與焉  
衆莫肯之公挺然議曰雖私遊中文虎俱備亦



得矣何有不可乎後必有悔矣衆咸以爲然於是使之叅焉未幾庚寅亂文臣幾蕩盡凡入交契者皆得免以吳李二將營救甚力故也此公之自少已有知幾之量也年若干以宰相子直補守宮署丞尋遷大樂署丞俄出爲龍崗縣令其爲政諳練理體摘發如神一方稱之此公之始莅郡也累歷御史尚衣奉御侍御史戶部郎中御史雜端賜金<sub>七</sub>大府少卿兵刑部侍郎大府卿知三司事判大府司宰事太子詹事判閣門知茶房事階皆正議尚書右僕射階光祿此



公之所歷官序也其或廉察東南秉鉞東北則  
威風所及無不股弁然濟以仁信故民便之此  
公之奉使延譽也夫三品正秩入相可異而公  
之判司宰也反乞郡痛切以戶部尚書出知南  
京留守此公之辭滿忌盈也公常以選軍使聽  
軍政其聽事上歆柱自立時譁傳以爲異事此  
公之公平無私所感也其帥關東也到洛山禮  
觀音俄有二青鳥含花落衣上又海水一掬許  
湧濯其項世傳此地有青鳥凡謁聖者非其人  
則不見此公之惇德至信所致然也越崇慶二



年癸酉引年乞退甚篤上不得已允之以銀青光祿大夫尚書左僕射得謝家居與當時卿相之退逸者爲耆老會時或置酒盡歡凡優游養性十有七年此公之懸車閑適之樂也歲己丑八月七日詣耆老會從容宴飲還于第明日方午忽覽八戒文夜輿浴尚安然就寢及日呼家人問時然後翛然而化享年八十此公之終也先是人有死復生者自言死至一處宮觀甚嚴守者曰此庾僕射至處也其說雖荒唐考公之行已無愧及其終如此則其言亦不可不信公



之生善處也必矣娶左承宣金諱存中女凡生子三女二長曰某爲國學學子諱早卒次曰某今爲判大僕事知御史臺事實文閣直學士知制誥季曰某爲內侍某官亦先公卒女長適某官某早寡季適某官某今寡方葬也知臺君具公之行錄託予以銘予奉書泣且曰嗚呼古之遺直也歟吾不復見仁人君子之若公者矣銘其敢辭乎遂銘曰顯允端揆惟邦之紀民方注心遽釋其位位不至極公所自避公則自避人歟其意黃髮壽考公所不斲公雖不斲天固相之



正直感神柱立鳥馴於公爲常恠者維人嗚呼  
舊德云亡模範疇倚有山巖巖水灌其趾是公  
之宮吉祥止止鏡石納竈眉目萬祀

壁上三韓大匡金紫光祿大夫守大保  
門下侍郎同中書門下平章事修文殿  
大學士判吏部事致仕琴公墓誌銘

大抵天之報施與其角者不傳之翼故凡士之  
得龍頭選而能遠到者鮮矣公則不爾旣首登  
金榜之科又極踐黃扉之貴加之壽考哀榮終  
始俱無缺焉則此豈無得而然哉蓋必有天所



不得不厚者而雖取之多焉天興之不戢者歟  
公諱儀字節之舊諱克儀後改爲儀系出三韓  
功臣諱容式之世譜而桂陽之金浦縣即其桑  
梓也曾祖諱某皇神虎衛散負贈上將軍祖諱  
某皇檢校大子少保贈左僕射考諱某皇昌安  
宅衙典以公故贈左僕射母徐氏皇檢校軍器  
監諱淑之女也以公故贈利川郡大夫人公少  
力學工屬文乙未入太學連赴舉方未第出理  
清道郡痛礪節清廉以剛正不撓爲政一方踰  
清道鐵相公秩滿旋補八開寶判官明年舉春



場擢第一遂籍內侍上器使之積官至將作注簿堂後官遂除拜閣門祗候其清華權要之任則歷閤尚書吏部員外郎直寶文閣左司郎中起居舍人知制誥刑部郎中太子司經國學直講御史雜端中書舍人史館修撰兵部侍郎翰林侍講學士東宮侍講學士尚書右丞右諫議大夫太子贊善大夫公嘗帶雙學士至是又兼三大夫朝廷榮之公之居諫職也有非其人而受叅官者公與諸郎執不可當國者不悅悉出省郎補他官公亦例出爲將作監知閣門事執



禮號最難公雖始試斯任其進止詳華踰舊爛  
熟者才之無施不可如此未幾又拜爲左諫議  
大夫判秘書省尋除樞密院右承宣皆仍諫職  
制誥學士循資知奏事知吏部公累載管喉舌  
凡奏對應奉甚稱上旨上倚以爲重政事多所咨  
逮壬申大金使介至欲入自正門我朝不許使  
重舌人往復詰難客人猶不肯之是日大雨群  
臣皆霑服立待上命公往諭公先問曰天子之  
巡狩侯甸自古有焉若你國皇帝枉蹕小國則  
當入自何門耶曰天子所出入捨中門何自耶



曰然則人臣而欲入自君之正門可乎彼大服  
其言遂入自西門其臨機設方略出入意表皆  
類此上大嘉賞之癸酉進拜銀青光祿大夫簽  
書樞密事充散騎常侍翰林學士承旨乙亥入  
相金紫光祿大夫政堂文學左僕射寶文閣大  
學士修國史丁丑守太尉中書侍郎平章事戊  
寅門下侍郎修文殿大學士嘗於八關會其數  
臺之輾動有不如法者憲臺掾往扼隊正喉衿  
折辱之於是軍將呼噪狂顧遂擲瓦礫于御史  
臺宴幕有飛石或過宰相幕次公大怒遽下庭



特立厲聲大號曰若等在君臣上下俱備之國  
敢爾耶苟爲亂先殺老僕可也如是者再三然  
後軍情稍沮亂遂不作焉其臨危不懼亦此類  
也公凡廉察泰州道繩吏甚嚴一切皆革民弊  
百姓賴焉嘗典司馬試及三掌禮闈所得皆當  
世聞人玉笋之盛近古未有也庚辰以辟上三  
韓大匡守大保門下平章事修文殿大學士判  
吏部事解位家居與舊德元老爲耆老會日相  
從宴遨以遂揮金之樂庚寅正月二十六日稍  
有微恙然是日使子姓圍碁觀之至夕尚從容



談笑及夜寂然而化雖傍侍者亦不之覺也是  
豈偶然者乎享年七十八上聞訃甚悼命有司  
襄事葬于鳳凰山之麓贈謚曰某公公之爲人  
美風彩莊重峻整方妙齡宋客莊天覺善相人  
視之曰後必到宰相矣果一如其言性剛果與  
人面折無所諱以是人多憚之或相謗毀然心  
地坦夷雖當時詬罵後皆棄之略不芥滯故卒  
能保其身可謂豁達大度君子也娶樞密事金  
諱光軾之女凡生男子五人女子三人男曰耆戶  
部員外郎先公歿曰揆工部員外郎曰心正剝



度爲禪師曰暉左右衛大將軍先公歿曰禧閣  
門祇候亦先沒曰棋雜織署令女一適內侍保  
勝中郎將尹惟孝一適戶部郎中李德載先歿  
三適閣門祇候咸景均子揆等具公之行狀乞  
銘甚切故受而銘之銘曰

孰相皇朝兮大鳴一國倚我大保兮寔人之特  
步驟臺閣兮奮髯正色奸吏屏氣兮顛倒蒲北  
正門言言兮人莫敢廁戎使迹穢兮欲蹈其闕  
公則往諭兮一言中的彼雖獸心兮豁然自釋  
廟謀密勿兮以手指畫綠野歸來兮任性閑適



震軒安往兮雲路遐逝舊德云亡兮于誰取則  
鳳凰之山兮有騫其翼土肥泉甘兮灌木植植  
於焉相攸兮是公之宅納銘隧道兮流耀罔極  
銀青光祿大夫樞密院使御史大夫李

公墓誌銘 并序

予嘗論之勇不必以力而先以義為本以義為  
主者也何則生重於義則其氣怯氣怯則雖鵠  
冠猛士有臨陣而股弁者義重於生則其氣激  
氣激則雖緩帶君子有雄入九軍略無懼容者  
是理之常也夫所謂義者有可以濟國難活萬



人則以身當之奮不顧生者是已誰其得之維  
樞密相國李公一人而已越貞祐五年丙子契  
丹犯境上命三軍討之以公爲右軍兵馬判官  
及與虜戰於貫花驛之南虜乘勝進擊我軍  
皆奔北無一人反顧者公獨瞋目直前手殺數  
虜然後遂此衆俱進賊衆遂却是日微公官軍  
幾殆矣明年轉左軍兵馬副使復與虜戰於廣  
灘公先登大捷俘獲甚衆上奇其勇除左右衛  
將軍公固辭不受尋改將作監出爲慶尚道按  
察使會朝廷勅諸道按廉使各率管内軍士赴



三軍爲羽翼三軍亦欲待以爲援屢督促之時  
虜兵遮屯要會元帥密傳以勿由其路公曰所  
以赴戰固敵是求避敵非勇也行由徑路似怯  
也遂直衝虜屯而行虜果出圍之公與戰大勝  
斬馘不可數獻俘于元帥府元帥大加咨賞未  
幾又命公以所部軍士押轉軍資於順州虜自  
殷州出於不意公唯與麾下百餘人與戰却之  
元帥自城上望之嗟嘆至垂涕已卯三月以尚  
書左承被召是年賊稍平餘種入江東城自保  
朝廷鍊銳兵以公爲都統公固辭領兵以單騎



赴之以其界兵士悉討平其賊仍留爲東北面  
兵馬使明年以樞密院右承宣召之蓋公嘗同辭  
將軍故以喉舌貴官寵之也公諱績其先砥平  
縣人也曾祖諱某祖諱某考諱某監門衛大將  
軍追贈尚書左僕射公始屬茶房出爲猛州倅  
及代凡八年未調明昌某年復屬茶房旋移籍  
內侍累歷官至閣門祗候出爲高州守入爲尚  
舍奉御閱都官兵部二員外又遷至軍器將作  
監吏部侍郎尚書右丞樞密院左承宣司宰卿  
判大僕事左散騎常侍貞祐十年壬午擢樞密



副使甲申遷院使御史大夫明年卒享壽六十  
四公先娶某官某氏 無嗣後娶某官女又無  
嗣公爲人端平簡直平和恭謹人未嘗見愠色  
雖至貴官常獨處一室淡然若書生措大略不  
以家事掛意平時姁姁柔弱似無膽勇者及臨  
戰陣其勇敢之過人拔羣如此則豈可以常調  
論之耶求之古人不可多得者歟凡歷官內外  
其清廉礪節與夫興利除害者不可勝紀然以  
公之忠義勇烈功業之卓然者言之此則公之  
細也故於此不具焉養息某官某來乞銘勤勤



敢受而銘之云

君子之勇必本於義義生於情激之者氣氣以  
激之又輔以智以此當敵何懼何畏寧我捐身  
活人是貴活衆故軍完軍完故身全捐身得全  
是所尤賢烈烈我公智勇無焉一國之城三軍  
之天云何不淑奄若逝川有焯其名日月同懸  
伯道無兒天意茫然刻詞貞珉光于九泉

宗室司空柱國瑋誅詞 在省受勅述

某年月日守司空柱國某薨爰殯于地藏闋若  
越八月某日葬于五龍山之麓禮也公 神廟



第二子襄陽公之冢嗣也於今上爲弟行神姿  
溫裕玉質夙冲自幼年游心文雅好賢樂士恂  
恂有古賢王風人皆曰是必爲宗室之羽儀矣  
矧相貌奇厖似若享祿無疆而殊不類早世者  
然年方弱冠其夭如此甚哉天道之難知也上  
震悼遣使吊贈勅有司典喪事仍贈謚曰懷敬  
公乃命小臣爲之誄其詞曰

天子之孫上公之冑璿漢聯源瓊林託秀慈和  
惠友寔自天授位躡三公冠方加首貴固自有  
所之者壽暫然長辭間不容手夜舟朝露比之



猶久嗚呼蘭方秀芳暴悴苗未實芳先僵天理  
莫測孰詰其常上心哀悼六膳輟嘗寵行孔縟  
九壤有光俾臣執簡誄以揚芳

中書侍郎平章事太子少師蔡公誄詞

夫大丈夫之生於世官至宰相七十得謝願神  
養性克享天年令終有俶者求之古今不可多  
得我少師蔡公其有之公諱順禧系出光州考  
諱某仕至某官公毅廟時籍內廷至明宗禪位  
猶不離近密上嘗居壽昌宮賊臣曹元正石麟  
等謀爲不軌夜踰垣而入禁中作亂是夜內直



近臣聞驚警皆越堞奔避公獨入侍紫宸無  
須臾去左右上嘆曰昔人有云疾風知勁草子  
之謂矣逮仕至五朝歷踐華要至今上某年進  
位中書侍郎平章事太子少師乞身退逸逍遙  
琴酒之間凡閱若干年大期奄臻蟬蛻而化所  
謂哀榮終始皆備而無缺是可稱大丈夫者性  
寬和容衆未嘗見愠色雖古之吐茵容吏翻羹  
怒婢者其何以加之然曹石之亂有以見臨難  
不懼耿介特立之節此豈仁者必有勇耶計聞  
上哀悼輟聽故勅有司備明器鹵簿葬于某山



贈謚某公申命小臣掇實以誄之其詞曰王佐之才先卜以器暨暨我公負器固異曹石搆亂夜撞禁門內臣鼠竄越牆並奔公獨入衛神色不移後凋之節歲寒乃知有守如此宜貴而榮果相五聖盟峻台衡急流勇退名全德邵天其不吊國棟斯撓宸衷軫悼贈終禮脩孰揚厥美小臣作誄

金紫光祿大夫守太尉門下侍郎同中書門下平章事上將軍修文殿大學士修國史判禮部事趙公誄書



嗚呼貞祐八年秋九月三日大尉平章事趙公  
感疾薨仍殯于私第以是月二十八日葬于某  
山之麓禮也公諱冲字湛若橫川人也考諱永  
仁仕至門下侍中時號名宰相公自幼嗜學工  
屬文年二十擢進士第以相門子早踐仕途召  
入內侍自始官至三品尚不離內廷幾三十年  
矣貞祐六年拜國子監大司成寶文閣學士知  
制誥復兼翰林學士凡侍臣例不居星官公喜  
曰吾歷位多矣未嘗得文翰之任綴班蛾眉今  
日之授實符吾志於是益專精經史力於爲文



凡高文大冊皆出其手俄遷禮部尚書進拜樞  
密院副使翰林學士承旨上以公有文虎之才  
特除上將軍文臣兼上將之任自文相國克謙  
始而中間遂寢至公迺復矣是時契丹犯境上  
命滎陽相國鄭公爲元帥以公副之往屯江西  
未幾元帥以持軍無狀見劾公亦劾免實非其  
罪也明年復起爲守司空左僕射政堂文學修  
文殿大學士虜日熾官軍懦弱不能制朝廷復  
授公斧鉞敦促遣之軍令嚴明秋毫不犯虜掃  
氣入江東自固時韃靼與東真國大舉兵入境



以破契丹救我爲名然韃靼於夷狄最凶悍且未嘗有與我通好之舊以是中外震駭疑其非實朝議亦依違未報遂稽往犒之禮公獨量其勢可勿疑馳聞不已達旦怒其緩呵責甚急公隨勢從宜輒和解焉久迺得朝廷之報矣達旦俗好以鋤刃舉肉齧啖人往復不容瞥我人皆有難色彼帥之於公亦爾公獨偃肆自若承迎如宿慣者彼帥又善飲將與公校優劣約不勝者罰之公引滿輒酬雖至許多爵略無醉色及闌舉一杯不飲曰非不能飲若勝而如約則公



必受罰矣寧我見罰耳主人而罰客可乎彼重  
其言而大悅由是深加挹敬其遇東真之帥及  
我軍之巨官大將也狎弄戲謔無所不爲至見  
公雖愛且昵不得陵犯約以公爲兄俾居己右  
公雖託以意所難者輒曰吾兄命之敢不承稟  
及訣執公手泣下嗚咽實誠而非願也東真國  
帥頗知人謂我人曰徐國帥奇偉非常人也徐  
國有此帥天之賜也公嘗被酒枕其膝而睡東  
真帥恐其驚寤略不得動其左右請易以枕帥  
終不肯之嗚呼異哉古之真人有能馴猛虎擾



毒蛇者達旦禽獸也其惡不啻若猛虎毒蛇而公能制服之如此豈其忠義恩信之能感動異類若古之真人者乎虜平入拜守大尉門下侍郎平章事修國史卒享年五十公爲人魁梧外莊重內寬和博聞強記諳練典故早綰銀黃揚歷清要三掌文闡所得皆當世聞人凡遇士無貴賤愉愉然不施戟級士有造謁輒置酒盡歡率以爲常一時之士爭歸之宰相之好客當世莫若也平時莅事未嘗露稜角故世徒知寬厚豁達長者而未窺蘊蓄之幾許及持大兵臨大



事然後乃知有蓋天塞地磊落不常之器矣然  
此亦公之細也若小益以壽則焉知不有奇功  
異迹之萬倍此者乎上聞計震悼命官正喪事  
輟視朝三日贈謚曰文正公仍命小臣誄以發  
揚其詞曰

石門鐵鎖城堅且峙重扉複戶宮室嚴邃斯謂  
國耶子曰非是有賢言言如我大尉矩步廟堂  
謨謀論議不爾出將令嚴籌秘叱咤羗戎使之  
風靡於以鎮安然後曰國山有猛虎人莫採麓  
國有賢人隣敵自却烈烈我公邦之柱石黃鉞



紅旗威震西北達旦剛戾如角狼虎一忤其意  
翻覆跋扈公以仁信披示肺腑歎心知感涕泣  
愛慕微公之力魚肉吾民公實活之賜首與身  
三韓之業公復創新天胡不吊大命奄臻哀哀  
我公棄世大早來旣爲民去何之暴摺紳工庶  
癡童駭老聚手彈指莫不相吊股肱云遠帝意  
彌悼寵終豐縟宅窆有光仍命小臣誄以發揚  
臣拜稽首摺掇遺芳綴茲鄙詞焜耀無疆

東宮妃主謚冊文

維大歲丁酉十月朔己卯初七日乙酉王若曰



天不畀年懷矣英靈之奄逝謚能成德欲其芳  
跡之不揚咨爾敬穆賢妃金氏千年故國之王  
孫三葉功臣之侯閼風將婉孌升配元良謂成  
內助之功增耀重暉之德何遽嬰於危頓曾不  
假於湏臾脫可挽牽奈此迫忽始來兮猶月未  
滿倏往兮如花易凋不圖至斯何嗟及矣噫閼  
世猶無幾歲况入宮纔及數年旣得生男之祥  
尋臻誕女之慶凡事大早惟朕自疑果於乃齡  
而有斯故嗚呼禮莫爲重宜豐送往之儀行所  
由生將舉易名之典今遣大尉具官某大常卿



具官某等備禮冊命贈謚曰某汗青筠而灑翰  
代彤管之流輝二字之稱萬世之美貞魂如在  
懿冊是膺嗚呼哀哉

同前哀冊文

維大歲丁酉七月二十九日戊寅敬穆賢妃金  
氏感疾薨于社堂里之私舍即移殯于京南之  
本第越十月初七日乙酉葬于嘉陵禮也龜兆  
叶時驚軒戒道捨爾金屋即于松阡禮視后儀  
先生國路念儲闈之標擗增予志之痛悲何以  
寵之唯此詞耳其詞曰  
天降金櫃慶源肇啓



的脉相承爾則其裔外家維何世誓帶礪積善  
所鍾流芳不替婉婉淑媛柔順且惠如蘭之秀  
如玉之麗儷體元儲符會神契謂宜承家而克  
永世云何不祿倏然長逝二七來嬪二八迺去  
其間相距能有幾許一刹那頃哀榮皆備亦既  
爲國篤生繼嗣孰又擠之奄忽至此噫要其賢  
德人天一揆帝豈有命遽迫致耶嗚呼哀哉行  
色不停壽原漸逋聽嘶挽其齊揚望搖旌其曷  
指風淒切兮相哀音煙慘澹兮增愁思吁可言  
哉從此邈矣伊朕之痛如茲元子之志何似嗚



呼哀哉

東國李相國全集卷第三十六



東國李相國全集卷第三十七

哀詞 祭文

吳先生德全哀詞 并序

濮陽先生吳世才字德全中古名學士諱學麟之孫也家世以儒顯兄弟三人曰世功曰世文公其季也世功世文皆當世名儒而公實白眉之良二兄亦自以爲不及學士李知深以女妻之間或負氣偃蹇李公愛其才不敢訾焉尤精力耽六經盡誦周易餘經雖不期於誦其背文而誦者亦幾乎半蓋熟於口而不覺出吻故耳



嘗手寫六經謂人曰百讀不如一寫之存心爲  
詩文得韓杜體雖牛童走卒無有不知名者少  
踈雋小檢晚節登科第始折節刻勵恂恂然禮  
法君子也尚不容於世蹇躓不振嘗以書干趙  
柳兩公其辭哀切悲壯抑揚婉轉真有古人風  
讀之不覺涕下然而猶不得被薦則甚矣世之  
迫隘之如此也先生度終不爲世用於是有長  
往之志東京外祖所出也意欲歸老以路遠難  
於徒步遂求爲祭告使祝史乘驛而往曰留之  
不復京師東都亦無有力護者卒以窮困死前



死日有友人夢見公乘白鶴盤旋者明日謁之  
先生已化矣嗚呼昔屈原賈誼雖被疎介其始  
莫不被君寵遇頗伸蘊蓄李太白亦爾杜甫雖  
窮亦得爲負郎公獨卒不霑一命而死天耶命  
耶果天也其忍使才賢薄命如此是何理耶昔  
公之未東也始訪予於城西之莊留浹辰論懷  
款密予年方十八猶未冠公已五十三矣予欲  
以丈人行事之公不肯焉許以忘年曰古之人  
論交但論志之何如耳不必以齒齒吾才雖不及  
拙康以子爲阮籍可矣自是嘗與遊詩酒間每



於名流廣會中以得予爲誇或譏以爲先生老  
大師儒也安用此孺子爲友而驕其心耶公輒  
曰非子輩所知也此公之所以賞予於頭角未  
露時者也從遊僅三稔雖不能盡襲蘭芳其漬  
餘膏亦多矣昔陶潛死門人私贈謚曰靖節先  
生予之以稚齒被先生斷塹不啻若門人以是  
私贈謚曰玄靜先生遂爲哀詞曰

有猗夫子器涵涵兮鳶肩方口頽而髯兮文詞  
游刃有餘銛兮六經粹奧宵搜探兮人難有一  
公獨兼兮膏中恢廣混色含兮文場席攫視耽



耽兮李杜爲敵一接殲兮抱寶不售分固甘兮  
塊然獨居守窮閭兮獵纓正色顏矜嚴兮高官  
豐稜豈不足擔兮鱣鯨得水躍江潭兮戢鱗泥  
淖龍晦潛兮刻畫自媚盡無益兮西施布袂衣  
不縑兮朝臣不薦得無慙兮有吻莫啓孰施鉗  
兮才賢蹇躋其視恬兮朱門煌煌勢徒炎兮屈  
平賈誼雖被讒兮始於國政無不叅兮嗟若先  
生老窮巖兮寸息滴澤猶不霑兮崎嶇世味備  
嘗諳兮奮然獨往天之南兮江湖卑濕不可淹  
兮想昇碧落鶴爲驂兮不爾逍遙鰲岫三兮縹



霞紅霧擁仙龕兮欲往從遊予骨凡兮安得輕  
舉挹子衿兮綴芳薦謚欲寄緘兮翩翩青鳥倘  
來銜兮

國子司業尹公哀詞

有奇偉博大真人天水尹公諱威字某系出故  
元帥侍中諱彥頤而奕葉門地也始隱居山中  
自號碧松居士然以明月夜光不可藏之於暗  
故不得已出而從仕歷踐華要官至國子司業  
其為人仁厚醞藉方正廉約德行文章皆備而  
無缺飲酒至數斗不亂嘗自言自娶妻來不犯



他色此亦人所難者凡舉措略苛碎節目存其  
大體而已世因以爲有宰相器皆必其遠到不  
幸出爲西都留守竟未復而薨嗚呼天之布施  
也如此公之被斥也有潛扇之者雖公亦未甚  
詳也予掌記全州時爲同寮所疾公出爲廉察  
使以嘗厚予故至是慰遇滋緝而待彼甚薄由  
是銜之後曰事有以微中之也此不可終秘者  
公之卒如喪昆仲詞以哀之曰 蟬聯家兮奕  
葉煌煌或秉黃鉞兮戡定戎羌慶源流長兮波  
及子孫落落我公兮負氣軒昂始肥遁兮如龍



之蟠忽儀兮如鳳之翔望之儼兮凜莫犯即之  
溫兮煦如陽繩墨是蹈兮不泥而隘豁達其度  
兮不泛而溢飲至數斗兮神色自如陶寫高懷  
兮一以雄筆文典兮道勁詩放兮橫逸人謂公  
兮望允台輔四海渴仰兮霖雨是期官司業顧  
不卑兮階此遠到兮猶未遲孰簧其舌鼓駭機  
兮俾公西兮屈於留司天之沮喪是其非兮折  
翼去兮竟不來歸瑤林玉樹對淪晶暉兮猶有遺  
詞兮堪被金絲昔陽城出刺以此官兮諸生詣  
闕兮訴者其稠言雖報罷兮其義可嘉激時之



澆兮礪人之浮公之去兮學者安在哀哉世薄  
兮誰其乞留鬱孤憤兮果隕生九原冥漠兮誰  
與遊嗚呼夫子之不幸兮始若有爲兮卒以跌  
蹉粵予之志兮捨公孰知質已去兮輟斤以嗟  
雷予聲兮痛哭公不聞兮可奈何清風爽氣猶  
若襲人兮予爲此形容兮無詞以華

全履之哀詞

吾友全坦夫字履之博信明敏能文人也仕至  
中軍錄事先吾以仕而至予之已踐遺補猶未  
遷秩貞祐某年佐元戎幕府出征契丹之犯境



余製  
餘

者方遷八品遂隕命戰場予悲之爲著詞云古  
有儒將統三軍兮制服戎虜如少兒兮想夫子  
之非不爾兮奈幕下之官卑謀難專斷兮勇非  
所蓄宜乎隕命之如斯軍旅之未曾聞兮仲尼  
有以著辭胡吾子之習俎豆兮遭茲鋒鏑之蹈  
危援松指水有舊盟兮淚橫墮兮哭以悲已哉  
更不得覲兮吾與誰兮論詩豈無余子尚可同  
兮獨子之詞兮簡而能披

文禪師哀詞

吾道友大禪師惠文字彬彬俗姓南氏固城郡



人也某年至京師落髮禪宗迦智山門爲名長  
老年餘三十始中空門選累緇秩至大禪師越  
壬辰歲遙住華岳寺嘗寄居京師普濟寺傳法  
是年國朝因避虜遷都師以本寺亦在寇兵屯  
會之藪遑遑無所歸遂至門弟禪師某所住雲  
門寺居三年至闕逢敦牂之歲感疾而化師爲  
人資抗直一時名士大夫多從之遊喜作詩得  
山人體嘗題普賢寺其略云路長門外人南北  
松老巖頭月古今人多詠之因號月松和尚由  
是著名予自弱冠忝交分聞訃悽悵爲詞以哀



之

有髡其首而僧其衣

服則是矣

心或有非

惟我禪師是真大士

既僧其服

又僧其志

戒行無虧清淨心地

餘事爲詩

下筆不怠

至其得意清警可愛

門徒索寞

數三沙彌

孰表其隧孰編其詩

嗟哉我公

已而已而

祭李平章光挺文

代希禪師行

維年月日具銜謹以肴饌清酌之奠敬祭于門下侍郎平章事李公之靈大抵人之賦分不可多得冒榮則拘其樂未極好樂則放取榮也



薄譬之於虎不傳以翼獨我夫子摠而有之出  
而爲將豹纛紅旗入而爲相玉鉉黃扉將相之  
榮惟公無資列屋蛾眉窈窕嬋妍日擁珠翠吸  
簧按絃雖至懸車旅力不愆聲色之嗜不減壯  
年公謂子姓淳生倏然毋固溷汝汝速擊鮮野  
服以遊往來翩躚男兒之樂唯公極焉子昔遭  
難艱阨辛苦兔竄鼠伏狼狽失據繫公是賴以  
至今日每一念至忽焉悽慄嗚呼哀哉有公如  
父有姊如母公今云亡如喪我考何以辭訣一  
觴薄酒公其醉止慰我心夜



祭閔平章文 代夫人行

月 日云云嗚呼哀哉文章蘊蓄非妾所窺公  
之遇主千載一時風雲感會奮鬚揚髻位極冢  
宰揔領百司乞身退逸尚十餘朞洪範之五福  
純備汾陽之終始無虧大期莫追今也安之於  
公無憾生者之悲婦人所有唯是涕淚送不得  
越門去不得執紼不知何山之趾何兆何穴埋  
爾玉樹沉光永滅嗚呼哀哉猶有二子雙飛天  
路妾有所依幸勿爲顧妾亦老矣生復幾何酌  
酒以侑已矣嗟嗟



祭父文 代人行

月 日云云父昔在南予學京師百舍雖艱往  
則覲之今之所寄北山之垂其距都城無幾許  
步俄頃可徃徃亦何覲竟此一生更見無所言欲  
出口哽咽難吐唯此薄觴表予情素嗚呼哀哉

祭李紫微諒文 代子壻崔君行

月 日子壻某官謹以清酌庶羞之奠敬祭于  
亡外舅中書舍人李公之靈嗚呼哀哉公之德  
望太山北斗學士崔公諱詵銘以醜縷大手摘  
華足爲不朽英英我公耿介自負紫微掌制居



帝左右驤首雲衢逸足方駉孰擠而排暴躋其  
步伊予不肖早忝婚媾一啜一飲皆仰于舅毫  
銖莫報含玉在口予昔與妻提挈孩幼女戲我  
膝男哭母胆予笑謂妻速翼汝驚爾女既長爾  
男既秀歲時伏臘血肉昇酒率爾孩息拜爾父  
母卷韉脰脚奉觴上壽爾子奉觴我酌我手爾  
與爾女射受遞授平生若此何羨貴富妻笑謂  
予是固予守嗟乎痛乎此志莫就身後百饌何  
益之有聊以寓哀一觴薄酒嗚呼哀哉

祭庾學諭文

代希禪師



月日云云久矣造物者之莫信兮茫兮昧兮吾  
竟未究其將誑而戲耶抑以害且妬兮蘭茝何  
爲兮易摧資繇何爲兮易茂玉何易折兮石何  
堅回何短命兮跖何壽物特特兮難長人冥冥  
兮莫久是自古所歎兮天豈爲君兮獨詬嗟嗟  
若人士族領袖年未二十鸞冲驥驟成名兮何  
早棄世兮何暴謂天不妬兮何致之夭死生與  
死第先後耳孰不至乎如此酌一杯而爲訣翼  
明靈之歆止

祭大府卿李公惟卿文

代子壻行今  
冢宰崔公也



月日云去猗我明靈豁達大度天付斯量若日  
遠步胡不畀壽而奪之暴大抵官尊則愛其身  
祿腆則貪其生要欲畜養圖究遐齡是理之常  
亦人之情公則不然不以性命爲重不以官爵  
爲榮視身如寄與物無營以手指口此可飲酒  
日飲無何寧顧脇腐人飲其酒徒嗜其味公寓  
於酒故自昏耳以不自愛墮生大早嗟嗟已矣  
尚忍道耶祭無珍羞惟酒之馨心之所嗜不問  
幽明公其醕之答我哀情

祭廣陵公文 代人行



云云溫溫我公宗室羽儀一行一步罔蹈匪彝  
愛客接士畦畛莫施補以文章河憲是追兼精  
藥餌如大老醫以博濟而爲任凡幾活於傷痍  
妙極丹青如宿畫師手自摹其佛像常嚮仰之  
毋疲有過者已自當有善者人之推考公行爲  
天若相之胡不畀年遽促大期嗚呼哀哉九天  
隔兮鸞馭遠百日周兮隙駟馳骨寧可朽兮名  
不隳兮行潦之薦維以寓悲

祭

康宗大王文

主上行翰  
林所製

云云嗚呼哀哉安安之德克邁唐高則高之享



壽宜可較翼翼之心有過周文則文之受命想  
可期何奄捐萬乘之尊而未保千年之祚豈今  
之異古善莫有徵者耶嗟予不良爲子無狀方  
出居於別館暫違問於寢門豈謂斯時已嬰于  
疾忽然棄世間不容毫所以手未親進藥之勤  
耳不聞憑几之命嗟嗟此恨永永奚終人誰無  
喪考之悲世孰有如予之痛鶴駕來迎兮曾不  
少假龍髯永斷兮曷其更攀日掩九霄天崩萬  
國真也妄也夢也覺也吾猶未知號之泣之思  
之慕之肯可得見徒抱無窮之思聊斟不腆之



觴許以允歆慰予摧裂

晉康公園寢迎神八大廟文

嗣子相國行

云云惟靈應期命世鎮國安民事君之節則雖  
一於累朝定策之烈則獨高於前代復辟明后  
既無愧伊尹相太甲之功殷薦先王宜可寵魏  
徵配文皇之禮洪惟聖主追錄舊勞簞豆脩儀  
將合食於宗祏絲綸降命俾升侑於前寧實千  
孫永賴之休亦萬世義談之始曰予遺體叢脞  
庸資藉積善之基致此位高而身貴聞與享之  
慶無奈喜極而涕零方仙寢之迎神修信祀而



注懇庶歆潦薦速枉飈遊陪先君九廟之中佑  
後嗣百世之下

祭從兄將軍文

此已下私行

云云年三十而將軍吾固懼其暴至孰疾驅兮  
不顛果殞身兮倏爾嗚呼哀哉我無同胞惟兄  
是倚今也云殂孤根安庇朝淚未乾暮眼如水  
酌酒兮永訣情鍾兮曷已

祭張學士自牧文

月一日良醞丞同正李某謹以清酌之奠祭于  
大僕卿寶文閣直學士張公之靈張氏之族自



杜  
粘  
契

古尤披公能世家擢秀芳技得詩於拈得草于  
芝得燕國之筆得九齡之辭十年掌制皇謨敷  
施既典而實亦曄而猗嗚呼官唯止於侍從位  
未踐於鼎司所以澤不加於民用不周於時人  
所同嘆寧獨予悲我昔弱冠果敢自負義藜在  
前直前不顧論人是非到口輒吐摺紳士夫橫  
目瞿瞿雖蹈其門輒鑰厥戶公一見之似昔有  
素登堂與語輸示肺腑亟命家童設酒與脯隔  
墻喚客其人能笙吹笙佐歡屢醺巨觥月下扶  
掖顛倒衣裳自爾連謁見輒忘形與之賦詠同



嫌後生贈之三詩玉鏘其鳴詩既奔放草復縱  
橫花開之春葉脫之秋雨雪之夕雲陰幽幽靡  
不呼我陶寫幽憂心照神契捨公誰求嗚呼哀  
哉皇天兮奪我文師詩壇兮孰主其籌糾纏兮  
難窮天理兮悠悠世無老成吾誰與謀投淚痛  
哭公尚聞不想爲星兮列彼天寧汨沒兮隨流  
庶或枉駕歆我信差

祭鍾義禪老文

月日良醞令同正李某謹以茶菓之奠祭于禪  
師義公之靈惟靈佛隴之嗣尤溪之宗全德法



器既豐而充行修而峻道盈而冲餘事文章龍  
搏虎雄揮翰洒紙風淒雨濛坦然曠達多可旁  
通昔敦牂之紀歲号始傾盖而從容甌山之阿  
往來憧憧往來伊何問道談空問道伊何是空  
假中維是文句爲我擊蒙惟師之故開我昏聵  
至若竹窓夜雨松院清風燈明圍碁不覺日紅  
不爾賦詩交相磨礱飲我以酒沉醉百鍾枕我  
以膝睡息噴虹脰略碎節披豁心肯同遊國清  
岸挾丹楓竝轡甘露綠水冲瀾陟巖觴酌啜醇  
吮醲載哦載咏其樂融融嗚呼哀哉人生聚散



易別難逢一從睽拆俱若轉蓬我官于南師去  
舊峰師還洛師從軍我東出入違背社鷺秋鴻  
率然相遇旋別忽忽舊歡不可再兮奈聞此計  
凶水逝兮不復雲去兮無蹤法棟云折學者安  
從道境之一生死兮予何爲此忡忡師豈沒沒  
隨庸流兮其所之兮兜率天宮我如踵往一笑  
相同煎臘芽兮是薦姑表我之慳慳

祭外舅大府卿晉公文

三 癸卯行

月日直翰林李某敬祭于亡舅大府卿晉公之  
靈惟靈沉靜寘言韜光內炤明于步緯不自表



表毅然膽氣不露其微嗚呼哀哉品登九卿官  
不爲少年餘七旬壽不爲夭其得暴疾是所傷  
悼一言莫宣瞑目長逝粵予早孤無我敢教及  
來于公親炙訓勵能奮爲人公助其耄嗚呼哀  
哉古者親迎婦嬪于壻其賴婦家無有幾許今  
則娶妻男歸于女凡已所須婦家是據姑舅之  
恩有同怙恃嗟嗟岳公篤我周備棄之而殂吾  
將疇倚何以厝兆名山之趾落石一掩永訣於  
此猶有英魂歆我薄祀

祭俞丞相文

代守其首座行



嗚呼哀哉文章德行今古一人如譽天高此不  
敢陳公之行止始屈終信：帝昔寵潛公實爲  
師風雲感會雪舊屯奇縱轡疾驅驟登鼎司龜  
鑑斯存上方倚用國棟遽顛孰不爲痛富貴暴  
逼吾固已恐由是然耶何忽奄爾室無伉儷誰  
哭內次伯道無兒孰奉廟祀嗚呼哀哉惟昔僧  
選公主張之擢我魏品榮已溢涯畜我如子恩  
又不貲暨臨病篤召予以囑曰彼上天絕我嗣  
續豈無同胞亦有疎屬揆厥行爲俱莫稱意知  
予之心唯爾而已吾今沒矣汝主後事予讓不



杯  
經

受公莫肯聽然後再拜稟茲理命自受遺言佩服以敬以予迂闊凡事不聞窳窳之事無一可觀公若鑒之得無醜顏嗚呼哀哉光陰不留百  
日已回既張佛事仍奠茗枉嗟嗟相國諒我哀  
摧嗚呼哀哉尚享

祭妻文 代人行 二言

云云年二八歸于我壺則閑婦儀雅予所指輒  
迎迓事舅姑鮮微過謹蒸嘗無小愆方艱難同  
坎壈家稍潤命不假奄爾徂花忽謝天使然無  
可奈腸已裂淚隨墮酒既薄盈一罍諒吾誠一



嚶可嗚呼哀哉

迎魂文

四言

云云其在天耶抑在地耶邀斯至耶尚延佇以俟

送魂文

三言

云云迎與餞雖不面也面一見曰戾止稍慰意曰去  
兮悵莫如

祭神文

全州祭城隍致告文

無韻

謹以蔬菓清酌之奠致祭于城隍大王之靈予  
吏于茲蔬茹猶不續而有獵夫致一鹿于門予  
徵其由則曰此州自古每月旦使吾等貢一鹿



若雉兔充祭肉然後衙吏等受公之俸備酒饌  
致祭于城隍此成例也予怒而鞭之曰汝何不  
稟於吾而爲是耶凡不拒乃州之苞苴饋餉而  
致山之麇麋折兔熊踏象白之肉海之鮫魴鯉  
鯉晨鳧露鵠之羞崇積於前者不忍獨享滋味  
其獻于大王宜矣豈以予蔬食之窮約月殺生  
物圖神之肥而積罪予躬耶神若正直亦不予  
是望也因戒衙吏自今不復奠肉其蔬菓酒饌  
之設則任爾爲也予之約束如此未審大王諒  
之何如也伏惟寬之毋以予頑然不遵舊典也



全州祭龍王祈雨文

一國之旱則在朝者羞一方之旱則守土者罪  
惟此南方岐爲二界羅帶于陬全襟其會何彼  
境之得滋獨吾偏之未溉天豈有私而爲是歟  
殆曰吾輩之政穢天怒不可干兮敢先黷于尔  
神龍天之澤惟龍所導龍之請天豈不從在斯  
時而得雨非吏之効而乃龍之功歲不至於飢  
歉何報祀之不豐

全州重祭保安縣馬浦大王文

維年月 日某官謹遣同年進士黃敏仁致山



鹿一肴無清酌之奠申祭于馬浦大王之靈正  
直之神人所敬思清廩之吏民所畏之以茲較  
量孰尊孰卑加又予吏完山一方攸附神職焉  
浦完山所部以長官之吏對下邑之祇不拜而  
揖於禮固宜以是擲筴神則諾許吾不曲膝長  
揖而去其於祀設不肉而蔬方離祠宇驅馬徐  
徐有鹿蹶蹶似將狂觸吐血而斃馬驚且仆其  
祥可駭思之反覆神豈以予祀不饋肉又豈警  
子報謝之遲此可代牲遣獻于祠神其享之莫  
我敢嘗



祭松岳文

云云予以行身俯仰無愧不喜黷神僥幸其賜  
以我大王一國所倚不敢慢怠累爾方至且念  
倚伏無常糾纏何異禍淫莫憑福善奚恃予保  
其白有黑點止予怙其清有濁玷矣幾微之漸  
防豈予智逆折其萌須神之衛所望于神唯此  
而已

桂陽祈雨城隍文

云云予以無能尹于茲土本是書生不閑綏撫  
其所弛張動輿民忤一方旱暵職予之故凡有



罪責寧丁我軀生民何知遭此旱枯我行于野  
省彼稻苗十分八九大抵皆焦黏塊而仆如屈  
針腰朝夕不雨即無今秋我慙且嘆有漉如流  
拱手以立甘俟天劉然主郡者神牧民者吏郡  
之遭旱雖吏之恥民若荐飢神亦乏祀况吏之  
居郡但三年耳神食茲邑無有窮已斯民暴殄  
神復何恃憂民之心與吏孰至若雲雨之權非  
神所專以吏之訴傳訴于天天豈茫然而不矜  
憐惟異大王馭氣寥廓馳訴于大微紫極促雷  
輶與電策陽三日之畢潤我黍稷俾克有穫則



吏之報於神亦匪其聽言不可食

又祈雨城隍文 無韻

云去元旱滋深天惟不雨召此者旱毋太守自  
謂也何者自予到郡上無以承流宣化下無以  
興利除害所至無隨車之雨動輒有爍石之旱  
此非旱毋而誰歟於前月某日責非悔過敢禱  
于大王因擲筮詰其緩速則曰不出三日必有  
甘澤僕承之日夜望雲漢卜陰晴翹首延佇至  
五六日而後方得小雨神豈誑我耶草木憔悴  
水泉枯涸此誠民之生死存亡之時也若三日



不雨則稻穀不登六日七日不雨則五穀不登  
過是而不雨則百穀皆不登矣百穀皆不登神  
將何食民將何生吏將何仰而充國賦耶大王  
之食茲土久矣其恬然不恤則安所託命耶若  
導宣天澤小加霽潤是神之職也吏之幸也民  
之命也

又祈雨國師大王文

云云巖巖維嶽維神主之民有呼籲吏或禱祈  
神輒響答曾不移時今者天降大旱乾裂厚地  
微雲不興杲日逾熾主民拱手立待飢死是誰




伊尹在片夏然國師取宗大雄釋氏以發露  
懺悔曉喻迷類吾儒所師大聖孔子以過勿憚  
改垂于傳紀予是以暴揚瑕玷痛自責已惟冀  
國師赦我積垢導宣天澤普潤田畝則非特吏  
顏見民無厚神亦於民得不孤負

告大歲神文

云云大歲何神今居何地予昏不知鵲之不似  
犯于無忌惟心所使繫予之爲天亦不訾予非  
自高養直是恃

東國李相國全集卷第三十七











集國相李

十二